



寄愁扁

朱樓翠幙相蔽遮美人不見
如蓬如花忽逢嬌娥

邀我飲碎枕共股眠款斜朝
西雲兮暮西雨相

看脈脈愁無語淚枯腸斷
為多情直不知情在

何許春風朝吹春花開秋氣
夕感秋虫哀春秋

朝暮自代謝人生少老勤相
催白石爛兮山路

滑碧波浩兮海難越橫飛
各翼上下難欲寄愁



心莽然

秋山

望秋山兮拭翠看上山行兮曳笻杖泉爭亂石
餘響在日照疎杉清影移此間聞竽意自遠此
時靜默神西怡長歌慷慨下山太夕鳥栖林人
不知

秋日有感作短歌

秋風吹雲上天洒地作微雨秋氣蟠空散復聚
肯用孤吟慰我懷却教獨坐憑誰語眼前不見

秋之山便自看秋如等閒閒客寂寞况似風
葉之号泉濤之朱顏綠髮輕凋謝黃卷青燈畫
溪夜細流拍心怕劇闌高歌搥淚如鉛瀉

秋宮詞

長信宮中秋月明秋風一夕動秋聲可憐秋思

空撩亂不及秋光澹更清
金波激灑光相射銀
漢橫斜流歛瀉秋氣陰
遍綺疏玉鉤斜挂秋
簾下苔蘚侵階涼露濡
弓鞋愁滑步遲彈箏
拊瑟還吹笛不為人愁
住少時

古憶別曲四首

憶君前歲別家時
花發春園紅滿枝
今年妾自思君苦
青子葉中已可數
千山萬水間重雲
滿

香鱗稀暗夕
聽坐立
愁餘
空轉意
年々
獨自惜
離羣

缸中美酒撲鼻香
花前酌酒情
綉得美人不來
愁更結
吹笛鳴箏
詞咽我欲學
仙々
不來仙
人來
亦似情
裁一身
脫却塵寰
苦俯視人
可儘
可哀

同舟可使成吳越
一人志意莽駟忽
誰說同心

利斷金但能見面難知心人生有情匪木石
有方圓木身足情難想像驚轉長千里寄將空
脈

別離滋味嘗始知絕跡兩地空相思相思有日
重相見相別近今異鄉縣錦檝織字牽人心一
字貴比雙南金遠寄錦江灘解新我愁愧比江
還深

山水間歌



三江五湖何浩蕩吞之衝波更激浪大有浮家
泛宅人英雄落魄空相望苦竹綸竿不易持綠
叢青蕩老漁師自言曾上長安道有才無命遇
差池嗚呼男兒負志氣五十不曾身富貴作色
論兵枉自奇虛懷遠史真無謂可憐黃公飲酒
壚可憐宗生五嶽圖何苦拄杖凌千仞還覓濁

矜携滿臺時人笑爾遭困厄八口全家無僦石
落拓從來不敏者似從天上仙人謫我亦搔頭
仰看天々之生我匪徒然即今編歷人間若應
亦肯身宿世緣貴者騰兮富者侈誰掩口笑曰
止々謝安一出為蒼生數行遺事留青史重思
故事於疑作傳野渭淚今似昨不有無慙夢卜
人千山萬水空寥廓

上高樓

上高樓兮倚山俯離樹兮籠烟愁何為兮遠眺
情鬱伊兮不堪以相宣嗟隱士兮墻東驚怪事
兮書空伴孤檠兮坐獨夜攜短策兮凌長路可
憐作人苟草々濁水頑山為誰好山若增高水
若深分明有對身先矣頭白看山有幾人山花
水州及時新心惆悵兮神杳渺欲向桃源更向

津

館庭坐月歌

桂簷角兮月彎之壁牆頭兮不見山夜新涼兮
轉靜庭雖小兮長間衆人所可吾曰吾一編自
晒不離手月白風清有秋時吾伊已罷難忘酒
昨宵看月終過半明夜清光應更滿玉兔銀蟾
枉是閒齋盈來往凄空館君不見沙場碎粟豈
疑霜香閨清冷看此腸更學停杯相借向何曾
偏照讀書堂

貧賤謠

貧莫想求孟嘗君賤莫思走金馬自有酒一酌
已經碎寄食待詔能重論丈夫一身苦耽讀文
章光焰空萬丈世上榮之繁有徒阿誰狂俠為
吾黨狂徒讀千卷書僕不吝千金資癡福世男

佳果享間愁身輩儘能支千奇萬怪事都有祇
合庸之守戶牖莫望他時富貴時早向青銅鑿
白首

采蓮謠

曲灣浦中少風浪蓮花蓮葉紛相向嬌娃蕩槳
浦中行鷺見漁家沒秋漲今年雨多水面荒采
蓮女兒愁無裳要摘芙蓉闌嬌面拒霜不比蓮

花秀

五釣吟

志不在魚乎釣魚我釣五兮魚何如食我香餌
捨我去掉尾鼓鬣游紆徐彼釣刺腮脫不得滌
刺草甲空費力哀哉枉自傷其生嗟在茹什非
無食人曲我五志原異惟曲往哉得其利五道
原來不可行一釣翻欲使人媿嚴陵灘邊一老

子嘗時想不為魚耳釣得荒江千載石若咲渭
濱以釣餌

烏夜啼

庭前老樹多好枝
飢烏揀得栖無時
惟有風雨
當夜半空中啞
啼聲悲忽鳥驚起
自飛去
上高天不知處
昏黑還愁相觸飛
却更盤旋竟
遶曙

北印行

北印山頭日易曛
北印山下多古墳
前拜掃
一寒士猶拾紙錢
松下焚香時
黃金買葬地
謂保子孫長富貴
墳前羊虎畫
摧殘青州白楊亦
憔悴銘旌素幕
出城中
祖送車徒滿路
達到得回家
重祭真荒郊
新鬼泣寒風
君不見生前意
氣生嫌隙
好啟爭端
偏落魄為拋
大宅廢高臺

仁用區々忘出室

觀碁歌

楸枰玉子陳空堂
新秋之日晝正長
疎簾清簟最閒處
前蔭碧桐後修篁
奕秋既往不復作手
談坐隱緣尋樂日
脚初斜又夕陽
可知一局冰約略
信陵矯奪晉鄙兵
秦人却解築長城
麗酒樹下難求活
伴達生為諸葛
漢一成一旅勢沒起
百變千化不易擬
磊落天星墮
忽明歎斜鴈陣飛
還止可憐午睡醒
結碁香篆茶烟颺
滿庭間諒藝經知
勝負子聲偏喜陽
花聽忽焉袖手推枰
起吾心從旁觀止矣
南風不競偶能言
終是管中窺豹耳

傷歌行

人歎久不死生心
何所歡古人若使
至今在千

頭萬緒皆爭端富者笑貧寒貴者凌卑寒春花
秋州各有致百家諸子可以觀君莫訝進步難
有途皆回百尺竿君莫謂放舟易有水無非灑
灑灘槐國幻成一枕夢面閑封以一泥丸那有
生財柳店礙當門闌便合學如便埋地無畚鍤
豈不恨飛龍冲天少羽翰人生之事錯迤有如此
此之六何所往得不畏識而愛譏休說心太平
至竟懷屈蟠一字不識是貴人千金賴棄皆遠
官誰將此意為君說君其為我歌此伐檀之詩
徒彼不素餐

行樂引

桃李花紅滿踏春欄柳葉赤似重新青枝綠葉
繁華在不比寒林一夜寒花開葉落非由已花
木無知究誰使一氣回旋萬類中物之者皆無

殊耳可憐者而後秋風今歲明年鮮不同却令
看花青鬢客爭成嘆老白頭翁出懷有筆母能
寫似無時無交涉者但看行樂在誰邊吾忘勉
吟吾句也

山中隱

若有人兮住山林避喧囂兮愛寂寞同息難堪
是牛驥一校暫寄六鷗鷁何登山兮跋望如御

風之飄飄既眩眩以魄慄更有仰而足趨西同
太白登天之舊道南嶽天台跨海之石橋泉鳴
窺兮韵清越松栢藉兮響蕭條選石齒謝安之

屐擇樹挂許由之瓢爰迷花而解日逐餐菊而
彈蕉雨濤之兮客之風瑟之兮刁之見山魁兮
遠避有石隱兮相邀倚松策兮吟嘯臥雲壑兮
歌謠古來得意者誰子嗟此茫茫閱老之邊遠

可以相將容與乎空谷以永夕而永朝

歌八

不墜青雲志已添白髮愁此中真醉夢裡亦

難休

秋蕉

西風吹葉落憔悴是芭蕉破碎難看甚非綠獨

早凋

寶劍

寶劍勇無價隨身數十年心欲解來賣手還不

忍捐

午餘

言貌仍辭拙書詩不敢負午餘還突冷不敢問

象人

過酒家飲二首

牢落難為慰相携過酒家君看一醉後投足任
欹斜

痛飲不能止非緣愧獨醒佛還飲米汁何況學
仙靈

十五夜月二首

此夕風兼雨教忘月正圓馬知他處看光彩不
適鮮

漸覺陰雲薄銀蟾吐半輪却疑下絳夜撥早騙
看人

秋日行園

早向園中去腰鎌不忍施瓜茄並蔥韭又是幾
生時

茫茫

海水無邊濶輕帆尚自航如行人世事強望轉

茫

爰傷

身在諸緣集心空百事忘身心兩相背相合

爰傷

偶感

剗盡羣山峙換平此五湖村農人處向漁父更

樵夫

古樂府三首

寶馬黃金勒騎從獵上林喧傳飛一箭已早落

雙禽

騎馬走邊塞紛紜送後迎身是柳房戚何勞向

姓名

悵恨絕句四首

英雄徒歎倒猶俾逝有途天心何太狠逼殺殘

書儒

稚子驚相告家人笑歎癡如尔心似鐵却已駢

成其

夜眠無少睡晝坐夢相侵尔事昏々甚千憂集

寸心

風露侵簾幕披衣起不遲一心無二用奚暇為

秋悲

出情

不住巖阿裡空言澹蕩人幽情尔處託文句逐

看新

人愁

州自年々綠波還日々流也如人意緒愁愁不

能休

秋雁二首

秋風悴百斛夕露濕露名惟有秋來雁成行高
興飛

雁陣衝寒早噫：鳴遠天只欲書箇字便自果
驚鷗

醉酒二首

滿酌金叵羅醉來愁奈何醉為愁偏易愁緣醉
較多

若將終身爲了不與人尋醉中別有天肯學淵
明止

古墓

暝色生雜樹哭聲隔荒烟古墓誰修祭寒鴉恰
紙錢

花時

三月艷陽時花開桃李安行人駐車馬爭折路

旁枝

過友人別業

石徑穿深竹
橙籬護雜花
陋原君子室
亦是野人家

有感

食少男
轉多愁
長髮較短
逐日減
歡欣隨時添
憤懣

閒眺

江淨五鷗羣
山深見鹿跡
斜日漾柔藍
晚雪拖淺碧

詠古

莫與嗟來食
空憐如此寒
世間奇傑士
何得等閒看

雜題 三首

驅馬欲出門解鞍復中止一刻分兩心吾將有所保

男兒具壯懷動輒千里道去無復云一度一

回光

護題

若者為君子云誰是美人予懷空渺客語太
津

感秋

問秋誰最感極處人心衣薄終朝餒念寒永
夜吟

叙懷口號五首

感慨悲歎士嶽崎歷落人相逢不相識意氣自
相親

富非蜀阜氏侯遜魯朱家六極兼貧弱休將痛

讀誇

臨事無懼疑作人有終始自反可立前獨往貴

知止

魯連棲海上諸葛臥隆中今日誰賢者孤懷與

古同

蘇蘇文字禪米顛書畫史君子多乎哉亦聊復

爾耳

酬友人作

少年同學日白面維青鳥貴賤今殊異身皆歛

老時

自遣

竹裡彈幽琴花邊奉清筍幕席天地间啼詠風

露下

樂秋

秋風入庭樹秋雁度寒雲獨有孤眠客先從枕
上聞

即事二首

雨過流水急風來落葉多不能走京國只合住

巖阿

塵土淹留久山川道路長故人持旨酒游子愧
空囊

閒坐二首

水影上簾閣花香泛酒卮小閒清坐久無事不
相宜

把麈重開卷放茗復闌茶却言無一事忙到日
將斜

古秋怨四首

妾有一掬淚洒將秋樹林丹黃看錯落認得妾

傷心

有淚成紅水隨手洒花州似獨海棠花斷腸名

不好

芙蓉有如面清池明鏡同映微嬌顏色寧愁葉

菱風

菱葉已爛菡萏花已殷獨有三秋夢隨風擺

水灣

感憤填膺筆墨真瀾思自解免惟添吟

劉白六首

無可奈何處祇應歸諸天三心思拂亂不用自

周旋

淮陰多少年恃氣肆譎詐果是真英雄何妨出

胯下

陶令男兒拙逃名更晦身若無酒可飲何藉養

其莫

佩劍總三尺磨之十載餘陸刺並水截銘竟莫

邪如

鼎政鼓刀屠嚴光持竿釣意中有恩仇甘受屠

俗謂

書是覆瓿物著之亦太癡賞即兼任幸沒字總

成碑

小庭三月

小庭方丈耳州樹却叢生一夕都芟去曠然宜

步行

竹柏攢牆角高天月正圓空明如積水藻荇漫

相牽

負居但讀書不問他事書此四絕

身六猶人養心宜志士論嗜書常類酒避俗或

如秦

不與人同調真於俗異趨凌書更攤飯聊自得
吾娛

世故新來異吾生孰與同少年負志氣轉瞬已

成篇

陋巷稀車馬破扉午尚閑不因但耽讀底自得

常閒

擬古樂府四首

燕谷隨殘葉鴻來趁早霜妾愁無畔岸似討使

能降

寶馬馳官道香車耀市門殷勤共相送花下有

芳樽

遠憶陽關戍難為獨夜情不知半輪月曾照

連營

欲寄寒衣去稀逢邊地人裁時須吉利不敢淚
沾巾

感題二絕

架有珊瑚筆濡之轉自疑鍾王共虞褚若者是

吾師

匣裡芙蓉劍酒邊看不厭報仇恐虛言磨厲獨
深念

自知

自知困妻貧不謂今始甚血氣已就衰趨走力
不任嗟此直道行性輒受讒譖酒勿論佳惡偶
得即徐飲古賢如昌黎猶輒愛僕僕一讀其遺
文慨歎不自禁令我何如哉俯念淚沾絰惟當
慎所往勿息惡木蔭

晏坐據筒

倦鳥棲深竹，哀蟬噪孤桐。絺衣坐茅屋，歎覺鷓
秋風積愛，未能釋冷思。浩無窮，迂哉馬用此。吾
詩窮而工，若彼琴瑟音。淵亮還冲融，劃爾振幽
谷。渺然凌長空，天耳所能聽。世俗將毋辭，周孔
不復作。吾將問蒼穹。

吾廬

蕭條自吾廬，美蔭但檮櫟。几榻積羣書，往來人

間，竅近水清可濯。遠山翠歛，滴言念吐。歲閒寤
寐，常懷惕况。魚餒餓，爰朝炊。少夕糴，或謂陶潛
瓶及餘酒，汨之飲。以養天和，醉中毋憤激。豈知
妾賤人，慣自貽伊戚。耽問乃其性，如詠六成癖。
日晏掩華門，東隣正吹笛。

感懷

彈琴就奇石，酌酒看孤雲。東臯未云遠，秀有千

載墳死者失富貴生者苦賤貧感茲寄吟咏出
語多苦辛那無千載懷孰保百歲身古人既往
哉今人後古人落淚勢不收轉頭迹已陳此意
重可惻懷哉蒼天民

感事敬書示諸學者

人心有偏頗天道守其正元氣渾淪中各自隨
所性之善迺厥恒充之可作聖仁為予智人皆
自納陷阱得毋逞其私日貨利是競借言孔門
賢賜也不受命事必有權衡人當論究竟顏子
忘其貧原思亡非病似茲可效法隨境援自鏡
善乎曲禮篇首以毋不敬易稱積善家終為有
餘慶書不云若乎若友即家政敬誦三經言如
愚受諫諍柙聲原將恪慎勿失其柄

題讀書舍壁間

欲渡川無果，滄波即出海。矯首望天涯，浮雲何
緩。飄寄身天地間，轉使我心悔。往天生若人，豈
不為之宰。賢於失其途，必行有不逮。學成在克
勤，向得由弗怠。凡事莫盡法，反之必危殆。所以
古人言，學期寡尤悔。直道可正行，有過勿憚改。
敢云不遇時，歲月猶可待。潛者棲蓬茅，見者居
鼎鼐。潛見雖有殊，惟白可受采。美或思榛苓，香

宜。紐蘭蕙，掉鞅詞壇甲。庶幾壁壘壘。

野外作

揮天峰色青連野，樹陰綠佳處似處無。寤歎矢
弗告，幽壑窈以深。清澗激而曲深，動游媿隅沙
平。三層玉曳杖行吟，為狀魏頗不侏。徐過略約
來，不借裏雙足。古賢亦有言，知足迺不辱。具此
悠於懷，吾將景芳躅。

家居漫述卻意一首

達人素不羈志士夙有守
同與道周旋取義固
无咎黜終小有才佞徒恃有口
展笑滋狼疾徒
哉惟狗苟乃恆宇宙間無物無好醜
人為萬物
靈慎勿受物誘懋學可致君
敦行在取友還恐
為利徒應羣曰者

秋齋琴興

丘中有佳士膝上橫
瑤琴掛以朱絲絃
彈為太古音八月秋氣爽
金風振疎林琴聲寓情懷
托寄何幽深矯如孤雀唳
淒似清猿吟微此嗚嘆
意難為婉轉心回斡更變
調孤中綴遙岑

擬古

霜露凄然降百州
失華滋援琴一再鼓
音調何其悲
絢維千載人象下誰相知
高墳在荒原何

用真一卮感此因自念百歲將已而今已過半
去事之多可疑不朽有三三若者吾得為空言
滿紙上曾否慰朝飢即今竟無益况欲傳他時
藝圃有餘樂看山真自怡漸覺俗情澹寧受俗
累羈居安乃忘危屈雄為其雌坐茲茅簷下思
和淵明詩淵明不復作聊復一嗟咨本有相與
柏草有蘭與芝士俗不自異中心盡深思

秋日愁歌

庭樹秋居人愁天高之兮雲悠々蟬聲咽兮不
肯休雁飛疾兮如有求山峙兮水流得秋之氣
兮離既清而且幽雜榆柳兮荒丘傍葭葦兮孤
舟我所思之不見兮使我心爰寄吾愁兮酒甌
縱吾目兮書樓托懷抱兮双純鉤溯天地兮一
浮漚歛乘桴而遠游嗟懷玉以莩猶即今茲之

株守兮寤此書因惟古人之為吾師與友兮念
吾生之將誰與傳

漁翁

漁翁夜泊秋江上沽酒一壺飲不讓醉來僵卧
向船頭非曲非歌隨意唱三更月起復生風眼
底看來總跡狀蘆葦葉下初桂陰波濤拍岸山
隨浪可憐生計資水中酒醒鼓楫下所向一網
魚兼小大收早趁款乃從空曠

秋夕

疎星在天暗渡明隔紗窗看疑流螢忽有螢來
飛入室翻驚星墜吾前庭萬家寂靜聲不聞吾
亦有戶重自扃倚柱意欲忘我生撲鼻香驚聞
素馨

鴉鵲

鴉啼鵲噪喧朝暮歛辨吉凶轉恐悞蒼鵲窺人
似懶飛林鴉啄食頻驚顧本無所為忽自鳴轉
頭鼓翅三兩聲聽者驚怪後竊喜總自人意精
其情書庭松竹頗不俗時有禽來就朝旭福兮
福兮倚伏多敬望鴉鵲為吾告

看花詩

果惡陽花看不得側門重掩金屈成輕風了道

吹香來知是中為萬花窟看花美人多少年行
亦隨肩坐接膝厭闌奢靡舉玉卮欣從雅素陳
瑤琴一彈再鼓情為移花忍將疎意還密前年
花開又明年憶昔揆來自悲叱就中多忙日
多亦有人間帶愁疾倚花佯醉卧後看便欲移
花入吾室香罷燒拋鵲尾爐詩宜寫試搦鬚筆
試問看花有樂乎其樂無窮難彈述

望山

天之蒼、匪正色遠無至極凝成碧不見眼前
所望層疊之遠山雖有殊形摠無迄遠者青同
天近者蒼如璧非遠非近間雲烟幻朝夕山脊
分於於山坳辨泉石還須携笻着屐游莫成相
望終相隔

憂愁篇

生無所終老忽至萬種憂愁無處避况後多教
進退難閒坐攤書默自愧嗟予作人本碌、未
終不求後不忮不讓之譽縱有諸豈能勝此無
窮歟又無世道非古初相顧相扶無是事暗中
戲爾鬼何多舊聞非六還非四捉刀英雄如諸
葛世間何人不可倚爾思真平強勝人、必皆
曰非我歎呼牛應馬莊周遠婚男婦女向平累

兩者歎難一致看毋乃此身強華備掉頭看有
錯喚呼矯足行無偶歎頭汗漫思同造物游迂
疎或受愚溪對少年耻作下鞞鷹遲暮翻悲伏
捱驥况無升斗可強求祿在夢中私一唱明鏡
未融鑿我心長鏡或不毒予志已從難除過去
愁知未好視已成事長江一曲增歎甲掃地五
絃搜腹苟敬祀人勿着魔青天浩氣無時墜

嗟

嗟：予食不飽兮衣不完天令我為士兮以艱
難讀書者心至多似我讀之而徒得其儼與寒
彼其凌青雲兮生羽翰罔不畏法兮敢作奸君
不點兮臣不加讒志得意滿力高官來書高閣
自不暇以觀遇多而讀之者翻亟學其癡嗟
予伺頭者內登作者壇心有所必得早自彈其

冠如茲之將成却夫兮若何敢強與之盪桓

結納篇

如雲意氣矜少年裘馬炫耀軒裳解醉倡樓兮
宿酒如過市門兮鳴金鞭懷我情兮脉脉送吾
才兮翩翩文七菽兮詩五言晚穎已見千人傳
時不遇兮不堪以對吾友惟吾與我相周旋結
新知兮在黃卷守舊物兮存青瑣居一山而一

水食一粥而一饌人生所遇有如此世間萬事
皆前緣可乎可然乎然如何今之人兮見有時
而偏輒思以一手兮障此高天若之青天求善
價兮寧輕玉待知音兮先調絃惟誦讀兮友善
資者論兮誰賢

別離曲

伯勞飛燕分東西燕秦吳越路易迷
擔書囊兮

縛劍銖鑿夜漏兮聽朝雞一出門兮拭吾目兮
望遠將祖道兮掩吾袖兮悲啼亘千秋而萬古
兮惟別離為最苦阻千山而萬水兮亦旋歸之
易稽舟呀啞兮荒谿馬蹀躞兮長堤見沈途之
州樹與在水之鳧鷖有蘇季子之故妻悵秋胡
婦之空閨便織錦机兮不易以寄遠將化為石
兮立江頭之汙泥為君一奏別離曲齊悲咽兮

情慘悽

苦辛行

萬事皆有命為君苦辛身無所長心無營終
年竟歲嗟寡多詩書解相悞文章亦不倫東西
南北無所往英雄豪傑難為親天高兮積氣
地厚兮積塵人生其間遇者異似天地之嘗
不克均誰謂江為深江之深兮可臨流而問津

誰謂山為高山之高可陟崗而折薪世間惟
有嬉遊未從之道路極險巖多荆棘老馬還
識道饑鷹慣附人龍之蟠豈將藏伏以終蟄
之屈豈尤偃蹇而難伸誰羞慚豈掩面孰黯慘
兮傷神悲未信許暫飲酒之六至醜非其醜
骨能覆楚范睢終用秦志在自不負故事難具
陳州木之英有芝菌霜雪之後終陽春一且為
可愧諸枉百偽寧能混一真清君有酒亟自酌
莫以東家強效輝

富貴謠

富不在積金玉貴不獨躋公卿天之於人賦以
命非有所得難為生請君莫矜賢與聖請君莫
逞豪與英地有如手東隅天有類乎西傾石可
磨兮玉可琢世間何物真堅貞餐不可以飽兮

芝醴造不可以列兮蓬瀛人之生兮萬事如反
掌惟有得意失意不能以力爭義和振變追莫
及河之水兮何時清毋率吾意以從兮諄之毋
守吾志以從兮砥之怨與仇兮莫問憤與激兮
皆平焉知富貴之非即為吾所自有彼持籌而
紆綬者將不足以相奪

醉吟行二首

迂儒不合生此世形落拓兮質柔脆自知一事
無所能匡坐獨居總以贊偶談立心必忠信極
論為人惟孝弟掉頭弗聽由若人我自力行懼
縲戾可憐謀食非本懷又况單瓢失早計徒思
開卷學古人不惜苦心遂孤詣胸中塊磊酒洗
之興至偶於難以從我雅愛酒意不終辭來自

有微吟例

行不掩言善辭歌狂來但酌金叵羅人生哀樂
須等分醉中樂少哀偏多文章不必強自詆朋
友不在勤相過眼前之人盡豪傑而我無奇將
奈何可憐形容向枯槁可堪歲月等蹉跎萬事
終傷自成誤一生何至皆遭魔願西人間可惜
人誦讀典誥談丘軻尚能永矢此弗告安樂寓
應在澗阿

遣悶四首

百慮千愁各有身、雖未老已先衰感時歎下
英雄淚混俗哉同游情民激齒最思石齒、卜
鄰要看水翻、間中故事同今事一、空將細
討論

前事原為後事師眼前似用新差池人雖費董
難謀食世是唐虞已咏詩待醒眼洗看今富貴醉

身卧学古希夷风光渐逐情懷轉李廣虛閱慣
數奇

即思彈劍向仁門年落襟懷那可言豈有執曾
推崩崖并無社足話雞豚想泛岳岳常疑夢愁
總間多已斷魂長日生來無箇事誰同把麈尾

閑身

來日今知果大難欣悲欣喜總無端騙人若是

書千卷誤我閒惟食一單面對九疑曾與
懷
彌四海意漫、
仙侶編葉為衣葆

石餐

閒中

一劍何須早夜看閒中慣引酒杯乾情堪蝴蝶
嫌花少鷓鴣鷺鷥愛水寬思美人兼懷酒、悲
秋氣正夜漫、艱難愁苦占双鬢縷、如絲漸

改觀

坐愁

老矣無能只坐愁
損衣縮食自包羞
還將閒事紫懷抱
也有傍人說去留
與到果終於畫絕
多餘翻爾慕書囚
何時醉倒竹梧下
徐看鳳凰來
此遊

秋悲

雲白天青爽氣生
高秋風物助悲吟
碧梧落葉翻
身黃菊開花點
金千里心期書
閣迥百年身計
酒杯深漁叟樵
斧依在誰果能
閒從見尋

有感

死生貴賤竟何常
交態交情變易忙
還想程公非蓋浪
可知鮑子果炎涼
知吾若吾與為友
生

世乎世居此鄉回首百年同旦暮一丘一壑且
徜徉

小飲

家貧不辦酒盈卮偶借人書得一鷓鴣客在從容
相勸久獨眠慨歎初斟遲醉便禮法都忘醒
只詩篇做自怡為語相知莫相笑通來歎學守
其雌

可憐

阮籍途窮涕淚增雲山翠碧况千層未能擇地
終投足便擬升天漫拊膺腸斷清猿聲似啼起
翻征雁意如矜可憐白眼青衫客書外胡然百
不能

秋客

庭下秋陽杲、明秋齋倦客若為情一書縱讀

萬籟靜數斗漫傾千慮生
儒素果能達世拙哀
殘何用與人爭晚來早見半規月
又上寒扉爾
許清

即事

高梧半黃疎竹青秋雲澹
風冷、吟無暇苦
且勸誦醉不能謀翻獨醒
步崔嵬霜穿小徑啼
螢泣露咽荒庭寒衣漸
秋添針線况後難求粟

滿瓶

謾咏

反覆人情且任他病愁煩
惱搃成魔可憐倦鳥
思巢樹無那枯魚想過河
仰看高穹垂似釜俯
知永日擲如梭不由我事
頻相攬難免中山酒
奈何

閒看

能以多才安大拙不將微利負長閒投車轄駐
林間客去屐齒登城外山蝴蝶獨飛花徑畔鴛
鴦雙浴夢溪灣壯年牢落今遲暮看盡風貪此
俗愷

此生

此生原不慕輕肥何至懸鴉與采薇散髮行歌
乘野興曲肱偃卧待朝暉比隣童稚爭相笑同

社賓朋盡欲識更看居青里嗣者却輸小隱有
清輝

閉門

披裘衣葛避塵喧只合攤書自閉門蟋蟀引雌
藏亂石薜蘿牽蔓上桐垣泉烹廢井供朝飲菜
劇荒畦佐夕飧閒說古人多故事空向釋儒便

乘軒

適園席上

銀燭金尊散畫筵坐來何惜舉杯先地偏玉曼
千年竹山近珠玑百道泉問月放歌人已醉看
雲懶步客回眠憑誰為報詩多道好染長毫拂

短笺

書堂晏坐

終暇朝暇又夕陽一書相對坐空堂
彌冊意興

從頭坦瑁襟心情到底忙便欣苟延輕性命敢
希晚達重文章滄桑陵谷猶間事莫羨花茵典

錦囊

秋齋感興

世上名看到底浮吾生何用強相求
愁來碎窠書千卷碎本逍遙若一甌
時事不堪看入眼人情真擬掉回頭
天高氣爽還如此愧煞雲山只

卧游

清夜讀書

歲月蹉跎豔自傷
讀書何敢暫時忘
鑿穿隣壁
開殘卷梯就秋蟾
做末光
井畔梧桐墮葉天
邊鴻雁見成行
可憐一斗無由得
清坐迨三夜
更長

寄懷水竹菴居長老

遠公精舍水東頭
密竹含烟老樹秋
懶逐萬緣
稀作業勤持半偈
甚空憇蒼苔點
留雙足野
卉斑斑笑白頭
更憶孤亭在山頂
何時携杖與
同游

貧居

不從熱客就貧居
行徑迂歎生事微
幽鳥避人
僧戶集小雁得食
聖門歸書聲時一
聞深夜墨

迹多曾浣故衣遠水近溪多好
在仁時真坐釣
魚磯

敢望

讀書敢望致羸餘愧殺奇窮祇為書有所不為
迂可憫若初無事癖難除歌聲全在還從我客
子車魚儘讓渠便擬出門西向笑此無先達肯
吹噓

最苦

州滿塔除苔滿廊人生最苦墮寒微舊游契濶
新朋少先業凋零後事非一木果難支大厦積
陰猶望漏斜暉可憐事、傷懷抱玉在璞中識
者稀

秋冷

百事蹉跎等陸沉此身扶疾但孤吟
曉雲散盡

露濡州午日陰餘風滿林
幽藹半殘紅漢一貧
爲正容碧森々眼前秋意
何希瑟有酒堪沽且
漫斟

新來

總得身閒心便安
新來何處困艱難
衫衣綻好
同誰看
藿食寧甘強自餐
半夜夢蕉情懊惱
三年抱璞涕洟書
中旧事
虛煩說
膝下英雄泣
將壇

年々

年々曾自認
逢時爲子
何妨富貴遲
豈料人心
思按劍
但教吾口笑
脚卮縱移竹
種難逃俗猶
借書觀
未是癡
咫尺從渠好
山水莫成舍
此更
何々

聞道

光陰過客留難住
世事浮雲引更虛
行就蕭疎
三徑竹坐添寂寞
一床書詩情酒興消磨盡
藥
品花叢檢點初聞道
故人雖晚逢
年來乘已久
乘車

秋氣侵人感而題此

數叢秋卉迎朝日
幾處秋蟲鬧夕陰
孤坐未嫌
倚卷思歎眠偏念
酒杯深
衰遲雙鬢應先覺
涼
早車衣恐不勝
萬斛閒愁數
重恨
應憐堆積似

遙岑

木樨

離畔繁英見
薜華朝榮夕落
漫興嗟世
間艷色
似曾久
眼底穠姿
却是詩落
試看松傲岸
疎疎
疎似礙竹
欹斜
同為州木
多殊異
一任人情自
笑譁

念之

念之臨深更履冰猶慙一事未之能間於旅寓
原非客多味家居反似僧奇士姓名難借問俗
人言終總無憑此身少賤今將老休談天地有
徒鵬

安歷

安歷青山不世情滿山蘿薜自結生肯平蘇德
迎車馬誰結節弄異市城樹裡晴湖明似鏡石
邊幽沼響如笙柴扉無客題凡舊始信間中境
莫爭

山齋

薜荔緣牆苔滿階幽人棲逸有真齋便知達者
生如寄肯學狂徒死便埋流水出山牽荇帶清
風入戶墮杉釵可憐雙鬢年之改誰說吾生未

有涯

家居疏食殊難西情感作長句絕無咏歎
之意以示所知不足為他人道也

貧重因病憐家食課偶耽吟謝館餐如此作人
似富貴云誰知我但清寒庭荒雨折紫萸菊門
靜風扶強樹蘭不信死灰燃不復俗人却只等
閒看

秋宿自歎

星低月暗眠空闔魂招不得情更迷大有愁聲
雞啞、將為怨語風淒、落枕慘淡同楊耳未
雁字莫孤飛兮故人相知在何許破磨一愛誰
共歎

追維二首

追維往事苦難論廿載羈縻破斷魂醉去看山

登小閣愁來覓句坐前軒
誰思公子邀新契誰
飯王孫識旧恩
別有不勝惆悵處
未成三立纒
餘言

拊心誰得免深悲
窮莫華條又此時
便讀破書
將滿篋漫澆濁酒
只盈卮
忘之何日能忘也已
矣
即今真已而顏
怍怍添情慘澹
少年行役怕
進維

一日之中自晨而晝而暮隨時有感得七

言近體詩三章

曉乘朝日事朝餐
擬出門便乃有功
豈謂相知
終落、偏令轉念太
由、柴扉未便題
凡身雲
踏行將羨冥鴻
故事只今何用
說耕田野叟釣
魚翁

肯將閒事快光陰
方日之中嘆不禁
知我放鹿

求寶劍宮心還許托瑤琴誰豪俠願千金諾孰
感傷回一寸心雜咏間愁悵哀老幸攤飯後茗
甌深

無時無事不堪羨徐顧庭陰又日斜半世已憐
閒作客一生惟愧拙為家乘從廬州看螢火歸
到垂楊聽暮鴉寂寞可知吟思寡讀書重撥落
燈花

蘇東坡有白髮蒼顏五十三之句余生癸
卯屆乙未之歲適當其年因用為首句漫
以自述共得十首

白髮蒼顏五十三聊將舊事補新談姓名漸恐
人難記仕宦應緣我不堪甘澹泊嗟廉似蚓惜
蹉跎愧縮如蠶安眠飽食終非易私憤閒愁一
擔擔

白髮蒼顏五十二最憐情性為癡態孔門大道
焉能任禹穴奇書妄想探時過掉頭資痛飲興
來撫掌學叢談平生所得終何似枉把陳編死
白考

白髮蒼顏五十二攤書握筆坐朝南雖矜數學
人收益獨恐論文自抱慚滄海寶虛藏蚌蛤豫
章材實茁樛楠木為玉楮將何用且復漫愁到

半酬

白髮蒼顏五十二性於佳句枉能耽俗人最厭
工詞翰下士虛聞作笑談振屐支笻思嶽麓垂
綸挂席想江潭百年一半閒中過趨利爭名總
不諳

白髮蒼顏五十二棲々於世最難堪常交那可
論龍尾異相原非負燕頤不慙人情才太拙獨

行已意性多態倘延二仲傾千岸醉仰高天正
蔚藍

白髮蒼顏五十三卅年苦行似瞿曇尋常業肯
閒來作杜撰禪原懶去糸說劍談詩藏共屋傍
松依竹構荒菴出門一眺懽欣甚噴薄清湍擁

翠嵐

白髮蒼顏五十三意行山巖與江潭荒、淡日

丹林閣漢、高風翠葆含古墓有人思掛劍塵
途何客肯收簪人謀已分皆間事一寸心休百

慮橫

白髮蒼顏五十三澆書何惜暫朝酣胸中縱可
羅三史案上惟應列二南事匪漫因嗟地負心
難虛用悵淵涵猶龍繡虎皆前定便不為人莫

戲談

白髮蒼顏五十三，聚書藏酒也云貪。屢嚴齋禁，
以無婦難振家聲。枉有男，矯翼共飛。殊旅雁吐
絲，自縛類春蠶。嗟、此志真虛立。民事吟詩，轉
抱慙。

白髮蒼顏五十三，長多少。賤不須談，叩泥已愧。
成巢燕，食葉聊同作。蘭馨處、畏人如婦。寺年
年落魄。豈見男牢騷。寂寞今方甚，莫望剛來得。

盍簪

自適

悲秋早，訝秋迨半。爰若依驚，客不來。桂吐新香。
資破帙，竹搖旧色。引深杯，帶間玉。乍驚風坐偶。
小步還待月，回無限。勝情聊自適。想功名念歎。
全仄

有慨

畫品詩才愧有稱文章書法偶兼能
硯田滿擬除凶歲木榻胡然剩曲肱
醉到狂來偏罵鬼憤當間極或迎僧
百年易畫如餘慨好向門前吊客蠅

端居

豈有男兒困此窮所為拂亂自天公
石稱佳友誰先達硯係良田歲不逢
冷眼旁觀聊爾熱腸蟠結且同之
端居形影和相向顏氏單瓢已屢空

午夢

無事豈妨當午眠夢為蟻蝶搃遽於
世何人得有真覺事究誰能謝妄緣
積萬累千惟日一至今如古只天
一垂頭點足心無似不寄詩中即
酒邊

書館中作

宿疾秋愁到處隨
寧論書館暫栖遲
春秋總萃
得佳日誦讀難求
是暇時
門外好山橫
綠樹屋
邊
幽圃繞清池
興來偶漫攜
笈屐可笑人驚看
塾師

有典羣居每獨行
尋花問月可憐生
人情幻足
付大笑
世事奇終難
妄爭筆視琴書
供玩弄
錢
刀酒食謝經營
先生若太逾
頑鈍毀譽歡憂總
不驚

匡居志感

日出事生吾不爾
囊空突冷客何知
清談似廢
養強候靜坐
寧妨誦讀時
窮學著書休
此下閒
思酌酒且遲之
匡居志畧行遊感
不問蒼天更
問誰

秋尋

浴鳧棲鷺滿江沙葭芙蓉々也看花秋士寓懷
貪寂冥野人私語忘周遮林邊矮屋并籬密渚
畔孤舟曳網斜會覓臺觴固小醉便如擇地更
移家

新來

底將吟誦作生涯空通依然人不避家竟屢空

木有蠹身雖多難玉無瑕十年托命操班管半
世全生坐絳紗便開華門荒州徑新來心緒愧
如麻

看畫

苦貧畏疾少歡欣看畫朝昕共夕曛三徑自憐
盈茂州一身客訝似孤雲勉捋腹生成詩癖儘
倒頭眠策酒勳豪氣已除才思減遇時傳世後

仁云

愧煞

愧煞生來志四方只今老本守茲鄉便思閱世
資磨鏡儘許藏身混賣漿砌畔種花還向日天
邊看鳥獨隨陽吾徒意氣從消歇尚看干將碎
索郎

中厨

朝日曛暉射淺檐中厨寂寞愧旋添瓶無儲轉
謀糠覈囊已虛頻問米鹽漸恐清虛來忽忽將
毋欣喜反沾沾彼蒼大任非輕降餓體膚如爾
莫嫌

殊恨

蹉跎困頓皆緣懶理亂點陟豈敢知始悟荒於
嬉誤事還須策爾倦乘時拙誰謂自天生也歎

共訝為書害之殊恨從前不加警將傾大厦悵
難支

吾生

歲月從教嘆逝波吾生可奈病愁多枉將閒事
紫閒抱還負醉人同醉歌事業文章相附立功
名時運合或訛踐書破硯依然在莫訝推車更
枕戈

秋日

叢菊籬邊未著花預儲酒向野人家一年景似
三秋少半世間將此日詩蕉覆隍中誰夢鹿弓
懸杯裡自疑蛇疎林晚岫相看處飛逐歸雲又
暮鴉

夜寒示家人作

寒宵僵卧耿斯情反側躊躇淚暗傾失意書生

原落拓背時才士敢縱橫
癡猶望忽遭奇遇呆
只圖徐享令名若比伴
仍吾有愧幸毋交謫枉
相爭

悲歌和同志韵

萧瑟秋風入薜蘿
西人對月共悲歌
琴彈古調知音少
及茲新斫餘地多
枉望最憐山嶽黛
長懷似覺水增波
茫茫宇宙無歸着
爾若推柯我

釣蓑

荒齋

荒齋養疾如秋天
節序關心忽悄然
納稼授衣非俗事
閑尋看菊謝塵緣
敢忘尺澤求伸獲
却望孤雲欲墮鳶
慘淡蕭疎無不有
尚餘虛願在

愁邊

自慙

釜甄生塵正自慙客過相對坐清談老知作活
慙難學久困奇窮濫不諳奉石白先勞一婦舁
籃輿更責諸男多生結習嗤猶在短亟長吟性
最耽

觸目

山容修澗水澄清觸目秋光黯自驚歲晚正多
難辦事身間彌切歎悲情詩才磊落無人和慕

勢縱橫有客爭蒲柳可憐零落易將母擇擇如

全生

堪憐

窮愁牢落儘堪憐終鮮經營問計姑安坐倚几
消白日徐行出戶荷蒼天心枯吐嗶身似補志
切飛騰世有權同學少年爭笑絕猶操无筆守

陳編

也困

便營土室結柴闌也困身安心不閒書讀未多
悲白髮酒傾歎畫失蒼顏簪花落處生深州溪
水流邊時好山天遣卑微消歲月何曾遺大更
投艱

未得

未得筆如畫掩門拾薪求米更紛煩全吾家恐
無長策念此世皆難與言翰墨應酬生受累才
情狼疾老稱寬幸看山有攤書地不用相驚劉
崔猿

貧感

傲骨天生腐氣偏雅貧寧肯受人憐飢吟好句
行無倦寒對奇書坐不遷求志懿思移絕巘撫
心狂欲蹈深淵即今磨涅嗟方甚敢漫矜雪白

典堅

桂庭獨夜

寂々秋庭夜漸長
木樨花發暗生香
小山擬向堦前築
白日疑從袖裡藏
物到高寒冰漫浪
人惟枯淡易淒涼
歎吟却向先妨睡
踟躕誰同玩此芳

秋日詩興

詩思當秋分外清
樂飢尤足寫衷情
古人有慨身謀在
豪士多狂世累輕
騷雅幾曾壇坫立
雲山何限畫圖橫
崇朝搢筆宵盈紙
佳句云誰為我評

最是

最是人情易變遷
附羶趨熱屢紛然
名虛豈為狂先得
累重偏因懦未捐
避世織羸居士屨
浮

家棹借教人船元來古道今難恃
豪快幾毫好
舍梅

安分

亦知安分不難負何事依然任我
真性怯妄求
難勉強情耽靜坐教紛綸途窮也
不須垂涕計
拙將何用出神筆
一編從我好敢論
今夕又
明晨

坐書屋中書八十字

雙鶴似從來從步吾屋尾忽然相
顧鳴飛起復
自下幽人坐空裡把筆勒自寫詩
句本清佳字
亦頗古雅乘興畫小幅寒林秀而
野以茲得自
娛學古若樂者曠然心無累閒暇
幸克做客膝
太易安有此讀書舍

忽

貧病局蓬戶几榻皆生塵縱逢日雨來何心具
主賓古人不可作得友資討論意見有不合往
復徒諍之英傑孰儕輩迂腐誰等倫敢不置臧
否一一存其真吾友重謂我持論固不均無毀
公其所樂善舉其醇毋以好高談類古徒律一
用此默自愧因取書之紳史有馬與班文有揚
典荀掩卷二長嘆忽忽忘夕晨

古意

葵擅傾陽名萱著忘憂實種之幽砌前枝葉動
風日可憐為孤根霜雪所逼抑陽德肆滋培前
芽始能茁枝葉似離披花葉自疎密蜂蝶時見
過蝴蝶或相暱紙無芥子傷猶恐摧折及因之
重生感眷念堅貞質

結客少年場

老成見事多舉動有瞻顧雅懷交游心握手怯
相負輕生重然諾豪傑之所慕恐心一時激致
貽他日誤少年獨不從遇事無畏怖議論殊縱
橫是非少回護負劍游通都枕戈計獨寤思以
功名終鑿古得早悟窮愁無虞仰俠烈執季布
萬里山川途風塵暗朝暮而後諾少年身常隨
所遇勢利狗庸俗錯即是鐵鑄

詠花

方春桃李枝艷色仁芳妍秋高綻金粟枝葉相
糾纏芙蓉與芍藥要是氣所偏雅淡爛錦綺勢
已將終焉觀茲成後勁贈折惟所便獨有松此
柏無花保貞堅

詠月

遲：雲間月為君漏清輝烟景既滅沒疎雲亦

羣飛月與人何情行坐如相依松聲起謾一水
州彌清微轉看轉皎潔出戶欲忘歸人心若跡
月幽隱難裁揮止此清逸興猶覺與願違看月
松月嫌為月蔽雙扉

秋齋有感之作

空齋雙梧桐時復一葉落庭州六姜黃清秋興
蕭索悠然感物心愁多不可却芳歲易蹉跎頻
年况落魄但知容膝安遑計長安樂吾聞古先
民只解事耕鑿世風日以漓猷酌難棲托生事
粗絲繁撫心多愧作齋中所藏書畫古人糟粕
庶哉詩可觀興至時一作益車厄老驥鍛四困
孤雀仰看蒼天穹然自寥廓

書懷

僕本卑巷人率迹在塵境寤寐有奇懷隨事六

自者尚懷聖之清雅言仁者靜所以混流俗中
心重歎之轉思目前事如形所得影怪異不足
驚尋常幸加警古人所遺書苦藥非美疾誦讀
弗敢緩豈在一俄頃雖晦理自長至淡味偏永
高論排玄禪清風邈箕穎迂也叩牛成車之捫
我極扞言無與言探喉有如鯁

夕次田家

日暮望遙林青烟暮暮起還顧吾程途離家尚
數里徑狹州亂生橋斷更阻水心急足不前紆
途迺若彼忽逢樵父來意適然以喜相扶重行
行田家酒初醺深悔吾生歎讀書強作士筆硯
倘可焚明尚操耒耜

秋日行

高人愛清秋游覽如不暇感茲蕭瑟氣吟咏忘

晝夜賦才頗有餘
敢自學耕稼
祇恐歲寒催時
日不相借
譬若遠行客
即次斫歸舍
爽蕪驚晨
吹秋陽
駭夕射
蘭蕙葉
五垂松
柏枝
相亞
脉々
此秋情
欣摠還
自訝

對酒詠懷

坐對一卮酒
寧行無半言
壯年守破書
但自棲丘園
豈不念古人身卑
道弥尊
文詞既加雋
品誼亦克敦
其有不仕者
抱朴離塵喧
獨往娛丘壑
同社羞雞豚
下此庸俗流
根歟
何足論
思竊趙孟貴
矜受孟嘗恩
悵然撫吾懷
傾此酒滿罇
君子正道消
為君掩衡門

登報恩寺塔

浮圖凌虛空
登臨肆遐望
城郭紛繁華
山林鬱清曠
身疑白雲中
志託青冥上
豈徒眼界別
頓

覺神思王諸相各有殊四面隨所向遊齊何羨
茫吳越足惆悵陳迹已渺然江山故無恙香界
泯萬緣茲理無乃誑音韻何琅々風鈴雜梵唱
天宮倘可登拾級誰肯讓但得窮殊觀意味情
逾暢天高而地卑俯仰得形狀中望寰區中塔
於似吾喪

書堂感書二首

微徑踐青竹短垣遮綠篁幽人携道書歛迹坐
茅堂竊祿非所慕刀耕吾不忘時洗古石硯偶
携破錦囊紙可舐獸羣那無翰墨場撲學竟何
用虛譽亦難償且勿論窮達但自思相羊忽憶
武陵源想於樂耕桑爰還讀吾書感慨蟠素腸
雞鷲鴉鵲間惜茲孤鳳凰

萬事天所主百年孰敢望胡茲一寸心貪妄不

易量辛勤六左討落拓重自傷美人隔雲瑞
寐弗敢忘採茲蘭興蕙歎寄空徬徨一詠游仙
詩更讀多交行但自苦踟躕從人各各商爰歡
永不泯寒暑迭相將願為無情物孤生吐幽芳
不受外物牽遂此樓書堂

拜居永歎書以寄情

出門鮮所遇交友孰我知誓將閉柴扉寂寞吟

吾詩有不如意事忽復來賜之曾憤不可吐顏

慚轉益滋嗟此何與人平生有所思謝家諸子

弟陶令五男兒淑慝有不均此柄終誰司世固

不易濟維家亦難治子弟未平教空復為人師

書卷相委藉筆視多參差虛室日靜坐轉使愁

無涯未受國士恩幸不悲素絲多難困交謫尚

未至無錐掃我虛白室書我鄙陋詞廩無養鶴

糧囊無半堂黃三餐終果腹樂已不可支總之
京邑卷六鮮里俗等所歎為小人硯、不自欺
笑彼觸藩羊惘茲入廟犧難以持贈人炭雲祇
自怡

坐松石間雨歎至作

雲氣亘數峰雨在數峰外晏坐松樹陰早聞石
澗漱遂疑急雨至風亦因之大幸未即沾衣上
有偃松蓋歎歸前村廬用意非不銳轉恐徐步
間半途與雨會烟景變幻多巧筆不能繪眺望
後躊躇歎冷謬生慨

幽棲

庸樂去已久毋嗟山水空賞竒復探幽茲興千
載同曠然聞遠懷俯爾來清風竹樹杳密雲
烟並朦朧一徑可深造轉折靡有窮藏峰更明

霞吸澗垂長虹大有隱者廬兼之梵王宮物我
兩無礙身心久已通樓托永好佳從茲置微躬

陋室

陋室悵獨坐微雲結秋陰悲未不可遣重欣肆
幽尋煙輕澹孤興風靜深遙林高人肯耐煩躡
履重自禁備絃坐閒寂興發陳瑤琴撫絃原雅
調轉軫多商音一唱思擇音三款發沾襟勞逸
任百骸清濁在一心朝旭射輕幔夕蟾照卓衾
曠矣樂吾事毋為詭德馨

秋曉

霜氣滿秋空殘星炯未滅起步臨前除孤懷自
吐々幽鳥警高樹寒蛩咽深穴寒暑適變遷為
君驗鬢髮君看庭前樹妍華頓消歇不醉其奈
何床頭瓶已竭惟此几上書昨日讀未卒焉知

吾生事但坐自斃，東澗釣魴鯉，南山採薇蕨。
何計遂所懷，浮雲看飄忽。

晨興

晨興意業散，徐步臨堦除。殘月猶未墮，繁星忽已疎。
周覽松與竹，清露珍珠如。豈無勵俗心，於此忽已虛。
言念古君子，悠悠愛吾廬。俄焉就朝旭，雅自攤吾書。

傷懷漫書

富貴多交親，貧賤少徒侶。誰無故旧心，逢境或難處。
書生本寡營，誦讀所自許。可憐不遇時，衣食出無所。
退飛類六鷗，兩端或首鼠。志氣漸摧頹，遭際輒齟齬。
况復寒暑易，歲恐不吾與。搔首思平生，惟將苦荼茹。
硯縱得力耕，字原不可蕪。山中富雲林，吾為從茲去。

課徒

束髮為人師，新來已白首。徒始擁皋比，訓誡不
離口。慎勿事蠅營，斷不可徇苟文壇。典詞場，微
遜無所取，可知為士者。有為先，有守嘒々自狂。
徒幸勿隨之走，以此勉。若曹定自知，如醜先行。
而後文吾，不忍汝負百里。蹶良驥，千金享。敬希
世事多翻新，終當守其舊。古來烝髦士，原不離
畝。畝士也，兼為農。下學相授受，才質有知愚。品
行有賢否，向上僅得中。儕輩數誰某，巨木恒待
斷。璞玉終須剖，循此無他言。倦即酌吾酒。

靜者廬舍

採薪何兩山，垂釣何及水。但有漁樵心，肯辜塵
俗累。水可備眼，巖山足資仰。止松栢，橫翠微。藻
荇紛清沚，花柳列堦前。雲烟曳窈窕，虛籟爽吾

懷此泉清我耳因茲清淨心頗悟玄妙理靜坐
一室中殘書原滿几

久困

久困心憂勞漫茲休寒餓百事皆可營立意必
相左几攤一卷書日夕但安坐積俗不謂然謂
此士也情清澗引山游落葉藉雲卧彼哉庶
者終似蟻旋磨疾徐無到期枉自受顛歎斯意

今古同作詩屬雜和

書齋中題

富爵身外物焉用如晉楚仁義苟弗存虛抱典
雜說晚翻貝葉書義亦無齟齬日用所弗適懶
復究厥緒彼哉老莊言之意恐偏舉我非玄遠
人敢附為其侶維古儒者徒所任必艱鉅深遠
肆討搜英華自含咀可以忘食憂有興為出處

孤賞肯踐迹深契密自許縱不離謠言亦頗循
次序輔世與長民莫更生畏阻

出齋遊興

鷓鴣凌秋風猶得從鵬搏蛟龍值冰雲惟自安
泥蟠物各有其時高下無殊觀敢謂江海大彌
見天地寬嗟余不得意長歌行路難每食不暇
飽况望居之安晨得吾友書殷勤勸加餐夕携

尊酒至重畫平生歡有言為君說有淚為君彈
英雄悵失路豪傑涕汎瀾羞後稱丈夫漸恐同
儒放筆視寄生事禮義為短垣莫作墻上州肯
學當門蘭長安多貴人乘時握重權閭閻有賤
士操筆登詞壇相較吾何歎有道以自彈敢絕
溫嶠裾遑彈貢禹冠放舟就平湖結帶想層岳
燕酣酒盈卮屬餐蔬湯盤長嗜坐一室有書暇

自攤

閒坐共孤僧
語懣然有作

日出事自生
茫然未有涯
杜門得清淨
似異身
出家架書貝
多葉庭草優
曇花節扶遠
公錫杯
啜趙州茶
不借傍花履
軍持將酒賒
暇仍過略
約冷即披袈
裟憫彼塵
世事譬如
恒河沙
似日
得捐棄
為此三斤麻
一笑姑妄言
聽者慎毋譁
不看日可中
林陰又已斜

秋日家居書情

人多鮮樂事
歲秋添悲心
荒居餘梗概
空谷希
足音
儒生讀儒書
原為衆所欽
白首無所遇
淚
落歛沾襟
俯仰計難就
誦讀意何深
朔風悲代
馬
清露警臯禽
肯同東友
鳥和樂
鳴春林
百歲
旦暮間
雙鬢
霜雪侵
朝日
繼夕月
往來東西岑

負於空有懷千古力不任磨此匣中劍彈茲床
上琴竹時開心曾得為快活吟

同坐走筆

出門無典談何尋自難記家居愁緒添如也豈
易況非家非客間爰此讀書地飢來待飯餐倦
去就榻睡宸至僕固辭身動僮竊視經月不暇
游常日何計碎敢居得半功恒有求全毀雖云

小得失輒致大擬議固知斯世間作人為其偽
便佞與衆合駘倨以自異爾迂不肯為更後竊
歎喟寡多善困人必有格之至文雖云塚埋債
敢求臺避已受朋舊欺漸遭惡少詈詩窮而後
工茲言詎非戲唯殺愁苦音聽者亦酸鼻不困
至於斯害想緣識字即今沒字碑所至白倒屣
而我多大言或為俗所忌偃蹇以自豪放廢乃

得肆可憐性至僻不習為嫵媚癡坐成迂呆獨
行應穎頭志事情蹉跎形容訝憔悴不成阮籍
狂儘苦向平果愚公歛山之祀人怨天墮事罔
或不終勿將援寤寐

賀

天道何茫々人生太賈々常理不可執守徑得
茲謬侏儒擅高爵歛愚炫末富高興惟同汗奔
忙乃迓臭為不羞恥斷奚暇顧屋漏賤肯蹈竊
鉤貴輒矜由竇吁嗟諱書士矮屋自屈首情性
成書獸形容漸詩瘦所友士必貧所居巷必陋
夜坐數至午朝餐或踰晝微軀幸苟安中心休
負疚飢渴如已何視若鄉隣闕

雜詩

明月留浮雲光輝難遠照如鏡積垢氣鑑物不

卑肖妍者可使媼哭号及類笑不加磨瑩功誰
後知其妙惟彼高天陰晴最難料人善藏其
心莫驚坐清嘯

百鳥鳴春和諸蟲響秋陰氣類之所感情如不
自禁人心似所觸朝夕增悲吟蹇劣愧枯坐間
適欣幽尋方期樂有由遽傷老見侵且思有託
巡戀此酒杯深

誦讀之暇書此以見初懷四首

二十解學書不能名一家舍之太學創幽壑橫
秋蛇感激古劍士干將與莫邪一朝鑄頑鐵遂
將神物誇翮之後來者博物惟張華誰無慨慕
心怯懦空嗟快讀千卷書寄意繞幽遐相契
有神理高天亘明霞

惆悵少年心壯往莫與比出門多岐途操業六

屢徙可憐生不諧落拓遽如此前乎我者誰其
人雖已死名存終不亡自是天下士不獲與周
旋曷從罄厥美我雖無俗情伏首愛讀史考古
即証今意適然以喜如行當路人輒志曰不爾
臨事機變多應無所用耻笑傲輕王侯亦非古
君子賢哉衛史魚惟有直如矢

傳家虛產業託身在書詩古人所詔我僅為衣

食資吾觀古高士往往皆好奇耻借游俠子况
逐屠酷兒清操不詭隨嘉修邁等第長安公與

伯比商巫與醫各自事所事安坐為人師若志

天所命困窮人豈知曠望宇宙間吾今何所之

溪山有佳遊筆硯存雅志興來隨所懷自適非

一快古人苟讀書志意極高曠令人想梯柴持

躬恒退讓吾今思置身且復快疎放富貴多賤

種才名虛譽望如仙守寒瓊寂寞傾家釀士窮
蓬蒿行茲謫信非誑

去：

自負英雄姿肯踐名利途始歎交劍客忽已狎
酒徒可憐宇宙大人類何者無仕官與富豪彼
哉亦丈夫雜卉出香州衆鳥得鷓鴣君有拔俗
志肯爲章句儒逍遙丹霄路恍然吾喪吾去々

重歸來暫見雙飛鷺

題州堂壁間

世人貪顯譽不肯甘閑修動輒侈美才專欲附
清流結廬城市中車馬紛遨遊豈知古賢者誦
法惟軒丘桃李媚如春杉桂成佳秋不使一塵
染得茲三徑出明日似星沒富貴如雲浮寂寞
蕭間中吾將何所求

聽彈琴

素琴長挂壁，忍使塵埃侵。
一彈復再鼓，用以寫我心。
我心我心明如日，寄托何遙深。
霜晨吼蒲牢，月夕鳴皋禽。
嘈誦後疎爽，聽者為之止。
襟情無鐘子，期奉世希知。
音曲終重感，歎琴酒聊自斟。
清風悠然來，飄爾歸長林。

感人事

對面不相信，便同陽關山。
何必天一涯，始覺慘離顏。
君心藏腸中，我心露口間。
腸胃有堵處，話言無曲彎。
明月林梢月，似挂終難攀。
役々茲世間，幾人真得閒。
君看帽角上，玄黃戰觸寒。
慣慣人至老，誰真付實頑。

匣劍歌

我有匣中劍，佩之思斬愁。
劍光似冷淨，似雨寒。

儒羞君看騎馬客日醉倡家樓一持劍向人候
斬仇家頭鋒後血模糊寒金鏢兩眸中夜重磨
洗光應射斗牛能出不能處語劍亦知否何如
我匣中伏匿無典傳清啼極悲壯霜白風颯
幸毋持贈人逝矣長悠

放言

築牆必有基種樹必有根
基不堅實傾覆何
容論君看岡阜上樹木
亦滋蕃愚公新索駝豈
至今為存清源劇阮倫
母徒碎昏

苦辛

日之嘆苦辛事之傷
齟齬疑遇風日佳終恨心
期限可憐旅風塵
亦復有徒侶此也傷
雕蟲彼也困者
收淚為窮途送
荼以集枯如茫之宇宙
間置身在何許
獨立自咏待庶爰得我所

凄切行

凄、復切、壯盛受挫折花方開欲謝月終圓
又缺念讀詩與書本計希賢哲古人安往哉名
存身已滅念終不忍道中情自悲咽又况方生
時苦辛不堪說懼或同履冰錯已經鑄鐵止水
易滯回平城有凹凹席莊匪長途行人自蹉跎
翠瓢晒卷中庶以安吾拙

吁嗟篇附

懶濡毛穎恐生靈勤翻破帙省燒芸以茲自送
閒日月何來識刺偏紛、豈吾未識表彥道擇
蒲不解張吾軍背時迂俗一狂子苦吟疾詭誇
辛勤可憐老驥立馬隊未妨孤雀棲雞羣洪喬
書空數咄、彌明得句還云、更燒剗向青藜
杖漫污羊欣白練裙吁嗟有愁寄何所應念未

者誇奇文

山中吟

有佳人兮在空谷啟巖扉兮住石屋
寒山雲兮蔽休引山泉兮濯足
餐芝茹柏兮採蒨蘭跨崔駘
寫兮狎麋鹿叩清磬兮松陰吹洞簫
兮崖曲會羣真兮共談把道書兮
自讀下瞰城郭兮塵埃蔽空仰視
青天兮雲霞在目卧歌兮慨慷醉
舞兮獨遠君不見富壽多男兮不
可願兮又何如箕歛之有風並山
青而水綠

放歌

私意未能忘淺之為丈夫令人殊不爾
競慕蹠之後者猶未忘教古道出言舉
事與俗殊曰夫已氏乃大笑謂爾何不
游屠沽得時或可博富貴默守墳典真
自誣吁嗟人生愛惠何時無吾

抱此意徒區々與驥首於雲跡寧寧尾於泥塗
哀者行於墟墓化者形如酒壺天之生民既未
責我以先覺吾何用此朝絃暮誦乎以成此腐
儒

感書

有目而不知視將與無目同有耳而不知聽將
與無耳同世間豈無聲與聾一心之運如明聰
君不見左丘明晉師曠自命千古非凡庸如似
聖賢之書日讀而其理終似有所未喻仁義之
言日聽而其意卒末由以克通吾不能不為之
慨且歎乎古顏閔之徒不作吾安所適從

有客枉詩見嘲歌以奉荅

生平未走邯鄲道傳聞人士邯鄲好輕生重義
信然諾富貴不足掛懷抱吳俗儂利楚剽輕穢

瑣襟抱侈才名一編自挾輒自喜世之拙者稱
而崇我生幼即耽誦讀長來幸不溺於俗縱老
元無千里遊羊相丘壑娛花竹可憐生負四方
志一壺能知千載事淮海陳登是曠人江關庾
信真才子矯厲一身皆勁骨憤懣滿腔餘熱血
秋以微吟遣此情淳于却免冠纓絕白雲澹
蒼山高仰天坐石心徒勞往不可追來可想彼

齷々者非吾曹

悲歌行

悲長夜兮何時旦風悽々兮雪慘々彼穽戚兮
將相齊身不過兮途不迷架有書兮自讀生何
愛乎岩谷帶傾覆兮舟共車且道遙於吾故居
君不見士不得志於時甘遁逃山林而已聲價
高詩蓋子兮家蓋寡世之人兮誰憐汝福未至

少恐禍集作妄想乎亦何益曰男兒豈長貧賤
我所期乎大且遠胡寧不聞原思之冰病顏淵
之屢空抗歌樂道與俗馬牛風

讀書謠

朝讀書暮讀書之多勤讀總未了棄書不讀將
何如水邊自有舟山邊尚有車有田還可種有
園亦可鋤不須識道學若馬不煩作客歌無魚
紙完以戶莫吾廬業之花葉紛前除夜眠苦不
足朝食驚無餘亦不為八尺床亦不謀儋石儲
其坐靜穆其行紆徐其於人也落々其自得也
遠々與古人親乎與今人疎人其謂我狂耶猶
耶吾安得不聽之歎

閒居

把釣滄江曲釣魚不得魚採芝丹崖畔懶汲菘

吾鋤就石窪成穴
疏泉繞結廬
始知雲臥者只
解閉門居
江海風烟別
京華音信疎
奇思從偶
發豪氣
掃除囊裡詩
多想日滿尊
中酒少愧
宵虛長
問歲月
非徒遠
且統年
駭讀漢書

忽

忽々兮愁之來兮
無端寡交遊
兮誰與爲歡
歎
言不言兮
心知其難
士生若徒
求免兮
飢與寒

將古人之不見我兮
我何以觀我
躊躇而永嘆
兮形影
單飯一盂
蔬一盤
遠書不至兮
誰而之
望努力以加餐
吾將往此巖谷之間
兮步蹒跚
松下有芝兮
石邊有蘭
松石相賞兮
澗壑鳴湍
如長夜之未旦
兮正漫漫
築文冢兮
封詩壇
似
雙崖兮
龍蟠
水有波兮
山有壑
吾將從彼仙者
游兮
控崖兮
乘鸞
贈之
以赤珊瑚
兮報我以青

琅玕我歆且謠兮興未闌又安所用乎樵斧與
漁竿

任川獨學甲午樵斧



